

# დიდი მოაზარის ხსოვნას

დავით გოგებაშვილი ეკუთვნის იმ სახელოვან ქართველთა ჯგუფს, რომელნიც გასული საუკუნის მეორე ნახევარში სანთელივით იწვოდნენ სამშობლოს კეთილდღეობისათვის. თუ ცარიზმის მძვინვარე, ტლანქები და უხეშმა პოლიტიკამ ვერ შესძლო ქართველებში საბოლოოდ ჩაეჭრო ეროვნული სული, ეს, სხვათა შორის, იაკობის თავდადებული მოღვაწეობის წყალობითაც იყო. მისი უკვდავი „დედა ენი“ მოზარდ ქართველობას უნერგავდა სამშობლოსადმი სიყვარულს, დედის რძესავით ასაზრდოებდა მის ნორჩ ძირს, სათუთ გრძნობას და ბავშვურ ნებისყოფას. მთელი სიცოცხლის განმავლობაში, რაც უნდა ხანგრძლივი იყოს იგი, ვერ განთავისუფლდება ქართველი იმ შთაბეჭდილებისაგან, რომელიც მასში გამოუწვევია „დედა ენის“ პირველად ხელში აღებას. ყველაზე აღრე „დედა ენამ“ გაგვაგებინა ჩვენ, რომ ქართველები ვართ, ნარ-

ნარი და მუსიკალური ქართული ენით მოსაუბრენი, მდიდარი ხალხური და მწიგნობრული ლიტერატურის შემქმნელნი. იაკობს „ბუნების კარმა“ პირველად გაგვიღო ბუნების საიდუმლოებათა კარი, მან პირველმა გადაგვიშალა თვალწინ ჩვენი კეკლუცი ქვეყნის რუკა და მისი კუთხეების ნაირნაირობა, მან პირველმა მოგვითხრო ჩვენი მრავალსუტეუნოვანი შინაირსიანი ისტორიის წარმტაცი ეპიზოდები. გოგებაშვილის „რუსეთი სლოვოს“ ქართველი ბავშვი, რომელიც „მუნჯური“ მეთოდის წყალობით გულაყრილი იყო რუსულ ენაზე, „ბუნებრივი“ და ნორმალური გზით მიჰყავდა დიდი რუსი ხალხის მხატვრულ სიტყვასთან.

ყველა ამისათვის უკვდავი უნდა იყოს და არის კიდევაც იაკობის სახელი მადლიერი შთამომავლობის ხსოვნაში.

პროფ. ბ. ძიძილიძე  
(საქდესი).